

摘藻堂四庫全書薈要

集部

欽定四庫全書薈要

集部

御選宋詩卷七十八

七



詳校官原任主事<sub>臣</sub>李斯咏

欽定四庫全書薈要卷一萬八千三百八十四

集部

御選宋詩卷七十七

雜體一

孔平仲

二十八宿名寄芸叟



張公角立誰敢肩  
亢宗自許英妙年  
捕逐氐羌先著鞭  
文房餘思如湧泉  
題詩寫心蟠遠煙  
黑蛟矯尾明秋淵  
南箕吐舌風墮鳶  
弱羽斗落柳江邊  
蝸牛客舍弔影眠

寒女晚嫁私自憐誰知虛實久粲然安危之理有循環  
歸來藏室閱青編東躋步武追神仙繡衣白簡猶奎躔  
體健不服婁金丸腸胃充實頗骨堅昂宿老人飛上天  
志願未畢西餽邊野鶴礪甯不啄羶曾參殺人始誤傳  
賞花墜井皆妄言載鬼一車疑已捐人欲折柳送公船  
去同衆星還紫垣張公張公人最賢丹鳳奮翼蔚高鶩  
更調玉軫續薰絃

孔平仲

卦名寄芸叟

小豐猶可喜況此大有年流傭已歸復獄訟久蕭然明  
聖臨六合吁俞萃羣賢乾坤協氣滿井邑歡聲連張公  
性謙靜玉節鎮湘孺妾舍富暇豫鈴齋恒晝眠萬家人  
悅喜鄰壤蒙安全譬如泰山雲益此涸轍泉我鄙無所  
解昔隨公得仙超升已連帥羈旅今華顛屬郡損末禮  
郵筒賁新篇坎坎我鼓腹咸韶愧朱絃睽乖每自念姑  
遇兩何緣野色小過雨秋聲漸號蟬園林淒剝落樓觀

蔚騰騫曳履煙景外支頤嵐翠前嘗聞東晉士多問遠  
師禪盛世非否塞微生自屯遭廬岳決逝去老夫無妄  
言迹同人間世心鍊鼎中鉛流俗若飛蠱困途多墮鳶  
相需緱嶺上一比洪崖肩

朱熹

讀十二辰詩卷擬其餘作此聊奉一笑

夜聞空輦齧飢鼠曉駕羸牛耕廢圃時才虎圈聽豪夸  
舊業兔園嗟莽鹵君看蟄龍卧三冬頭角不與蛇爭雄

毀車殺馬罷馳逐烹羊酤酒聊從容  
手種猴桃垂架綠  
養得鷓鴣鳴角角客來犬吠催煮茶  
不用東家買猪肉

方岳

次韻十二辰體二首

錄一首

鼠技易窮誰比數牛衣正可眠  
春雨虎窺九關高莫捫  
兔禿千毫老無補龍嬰鱗逆事可驚蛇  
畫足添心獨苦  
馬寧垓下困鹽車羊勿夢中翻菜圃  
沐猿從爾楚人冠  
荒雞寧起劉郎舞狗監無煩誦子虛  
豕亥縱分吾不取

孔平仲

人名詩和蕭十六

式微子歎歸期滯疎鍾皓月僧窗睡滿郭丹楓已送秋  
李白桃紅春又至綠陽朱戶鎖娉婷燕趙壹笑誰相視  
紅顏回眄能溺人有若大川無際涘吾曹操行薄雲天  
去險就平當擇地嚴君平昔教諸子肯向贛江為此事  
勿捐仁義縱歡娛力與主張興廢墜不才彊使酬杜詩  
搦管能令言鄙志



承芸叟寄示新詞一篇以此寄謝楊子云書亦

有色乎此亦書之色也

婦人名

綺羅敷色新出機嵩洛神秀鍾妙詞關西子弟多習武  
博學能文君最竒日下無雙成器早少小玉立誰瑕疵  
天王母后親選擢抱道韞德將發施朝中議論太真樸  
湖南威鳳翅小垂屈申后先皆有數此理昭昭君自知  
芰荷堆綠珠露冷蘭杜秋香風正吹征鴻南飛燕北去  
晚歲瀟湘君未歸

夜宴曲

婦人名

湘江紺碧玉照秋丹楓紅蓼君莫愁江上女兒花見羞  
吾曹大家行樂休促席相虞美人出羽觴時許飛瓊液  
天明君醉苦相挽肯念奴家隔江遠流蘇小帳屈曲屏  
留連為子都忘返

陳造

程帥以古人名作詩見寄擬作謝之

冒次不平當近酒熱官奮揚肯回首即今羊杜詩中仙

襄陽城中獅子吼我將仲子趨黃堂孰看畢戰塞旌幢

筆秦曰筆楚曰畢吳曰不律

抗顏路塵旋行役但有魂夢公之傍瀕

海作宰我漫仕留贊郡符真左計老夫已老子白丁解  
頤與言游戲事駢羅隱服芙蓉裳設張翰墨當絲簧敢  
向青山簡竒勝有田肯賣吾倒囊如公端合穆王度不靳  
向作歸田語蓬萊朱金久已齊還許遠來結鄰否

方岳

山中作人名詩

負郭太幽深結茅容易得雖無桃李園石老松柏直山  
北雨后蒼山南霽雲白荷鋤課諸兒陸續蔬甲拆

孔平仲

郡名詩呈呂元鈞

相人觀久遠要且視資質酒酸木多甘絹敗為少密公  
家渭川後端亮氣不屈播移雖裔土寧妥如舊華優游  
歸孔聖坎壈笑趙壹儻來等榮辱所遇順勞佚道閣接  
談賓文房散書帙當其泰定時海宇更無物耳目并已

忘何心蘄冕黻忽聞韶曲奏更覺巴音失溫純比金玉  
清越勝琴瑟似追少陵步真得建安骨從今益淬厲及  
此舒長日唱酬安敢同心欽但齋栗

陳亞

登湖州銷暑樓

藥名

重樓肆登賞豈羨石為廊風月前湖近軒窗半夏涼  
青識魚浦芝紫認仙鄉却恐當歸闕靈脾為別傷

王安石

和微之藥名勸酒

赤車使者錦帳郎從容珂馬留閒坊紫芝蒼宇傾一坐  
笑語但聞雞舌香藥名勸酒詩實好陟釐為我書數行  
真珠的皪鳴糟牀金罌琥珀正可嘗史君子細看流光  
莫惜覓醉衣淋浪猶醒至死誠可傷歡華易盡悲酸早  
人間沒藥能醫老寄言歌管衆少年起取烏頭未白前  
既別羊王二君與同官會飲於城南因用藥名

體奉寄

赤車使者白頭翁當歸入見天門冬與山久別悲恩恩  
澤瀉半天河漢空羊王不留行薄晚酒肉從容追路遠  
臨流黃昏席未卷玉壺倒盡黃金盞羅列當辭更繾綣  
預知子不空青眼嚴徐長卿誤推挽老年揮翰天子苑  
送車陸續隨子返坐聽城雞腸宛轉

馮山

效皮陸體藥名詩寄李獻甫

半夏勞奔走當歸計未成向烏頭雪白雖遠志澄清白

屋游偏早青雲夢數驚預知皆係命無患可傷生泉水  
懷鄉國靈仙得古城歲蕤差病力安息媿民情蘭草園  
池靜槐花道路平野翁宜散誕故紙任縱橫問話思黃  
葉論文憶長卿餘糧添甕盎亂髮散簪纓紫箬江山秀  
婆娑桂柏榮佩香餘雨氣桐葉變秋聲險語嘗鉤叻昏  
瞳屢決明鷓鴣閑自酌琥珀向誰傾良宕官資淺蝶蠅  
活計輕每將蘇子校多謝使君名滿把黃金屑知音白  
玉英青箱空聚古敗將敢論兵苦練詩方就旁通筆未



精前賢如及已海藻願題評

孔平仲

新作西菴將及春景戲成兩詩請李師中節推

同賦 樂名

鄙性常山野尤甘草舍中鉤簾陰卷柏障壁坐防風客  
土依雲實流泉架木通行當歸去去已逼白頭翁  
昨葉何搖落今逢淑景天山椒紅杏火巖石綠苔煙爐  
火沉香燼琴絲續斷絃忍冬寒已徹衰白及長年

再賦藥名

楚澤蘭紉佩蒙泉水洗心荷鋤通草徑戴笠釣藤陰欲  
早休陳事須甘遂陸沉謾呈詩藁本李杜若知音

鬱鬱金舒柳青青黛染槐繁陰庭側柏碎綠井中苔雨  
漏蘆簷破風薰草意回陟釐題短句自洗筆頭灰

再賦藥名

百草霜雪死半天河漢斜竹含輕紫粉梅發淡紅花蘸  
甲香醪醎搔頭垢髻華北亭歡宴罷燈燭夜明沙

起自然銅鼎烹茶滴乳香  
深冬灰正冷新臘雪須當  
我意空青眼君才貫衆長  
唱酬幾百合衰白荷相忘

寄芸叟藥名

未老已前胡不歸何須斑白及衰羸  
婆娑石上弄明月  
卧看秋風生桂枝

愁雲垂地黃映日疊嶂插空青  
照樓野菊花開秋又晚  
便當歸去老滄洲

年過半百合歸去謹杜衡門深  
退藏衰白前途有多少

使君仔細更思量

七夕一首呈席上

藥名

琥珀杯濃酒味醇鬱金裙轉舞腰新鉛華第一人中白  
歌響幾多梁上塵玉漏將沉香噪斷銀潢雖遠志相親  
合歡促席留君醉最苦參斜夜向晨

蕭器之小飲誦王舒公藥名詩因效其體

蕭郎嘉客近遠志把酒勸賓郎半醉自然同類易相求  
官守從容看無事清晨麥蘖寒有力倒灑金鍾乳花滴

十分蘸甲香且醪不覺昏黃連夜色雀噪鳥棲奈晚何  
怱怱白日若飛梭青青百草霜已歇牆陰淺白微經雪  
庭梅香膩粉苞鮮歲律將旋復花發銅壺泣水銅箭短  
漏聲斷續隨風遠起視天南星斗稀蟾蜍已黑牽牛依  
知子多情惜分散山公酩酊自當歸

賈甫寄示與譙冲元唱和藥名詩因作一篇奉

寄

天南星斗垂晶熒麻姑山色排空青人中白看誰第一

周郎獨以文章名少年折桂心已壯大學弱冠衆所驚  
嚴徐長卿詞格老合上芸臺預讎討赤車使者已為淹  
復令倅郡淮南道蘄春人幸何熙熙有賢史君子副之  
鈴閣深沉香一炷綵箋舒卷百篇詩藏鱗伏翼聊展轉  
有才無患子不顯楚澤蘭芳莫謾悲秦烏頭白終當返  
我棲江上松蘿深自甘草莽長陸沈忽忽光景又半夏  
書房風月澄人心昏黃禽噪悄不覺架木通渠清河濯  
雨餘涼風襲衣襟半天河漢垂簷角惟恨與子未從容

紫芝看字何時逢  
頻以青琅玕寄我  
不須怊悵白頭翁  
黃庭堅

荊州即事藥名詩八首

四海無遠志一溪甘  
遂心牽牛避洗耳  
卧著桂枝陰  
前湖後湖水初夏  
半夏涼夜闌鄉夢  
破一鴈度衡陽  
千里及歸鴻半天  
河影東家人森戶  
外笑擁白頭翁  
天竺黃卷在人中  
白髮侵客至獨掃  
榻自然同此心  
垂空青幕六一一  
排風開石友常思  
我預知子能來

幽澗泉石綠閉門聞啄木運柴胡奴歸車前挂生鹿  
雨如覆盆來平地沒牛膝回望無夷陵天高星斗濕  
使君子百姓請雨不旋復守田意飽滿高壁挂龍骨

周紫芝

病中戲作本草詩

長空青雲晝風卷雨餘涼生開病眼垣衣洗雨綠生光  
芍藥翻階紅照晚幽人却掃驚半夏獨杜衡門頗心遠  
提壺勸酒意甚勞花間伏翼終日號大棗如瓜安可得



竹葉豈宜空蟹螯何當如淮泣石斛天南星移碎紅燭

錦纏更命劉寄奴回雪香柔體如玉人生富貴不早休

烏頭成白空自愁浩歌自駕木蘭去范蠡實能知遠遊

君不見赤車使者將君命五加皮幣不少留一朝逐客

便當去王不留行空淚流又不見浪蕩子長負羈橐石

下長卿無住著賈論空高遠志孤屈草初成竒禍作何

如獨活考澗槃不遇自然同此樂嗟余知此解馬銜蝸

廬僻在陵陽角誰能更朝紫真壇丹砂豈解駐衰顏五

色神符亦安用  
菖蒲謾說能引年  
玉泉泠泠漱虛壑  
獨尋鶴蝨負朝暄  
故人遠引羈旅夕  
寒水石畔思清言  
何時從容乃如此  
煙蓑去作牽牛子  
生平甘遂丘壑貧  
常有幽懷思洗耳

戴曷

山家小憇效藥名體

柴門通草徑  
茅屋桂枝間  
修竹連翹木  
高松續斷山  
仰空青蔭密  
掃石綠花斑  
傍澗牽牛飲  
白頭翁自閒

梅堯臣

禽言四首

子規

不如歸去春山云暮萬木兮參雲蜀天兮何處人言有  
翼可歸飛安得空啼向高樹

提壺

提壺蘆沽美酒風為賓樹為友山花繚亂目前開勸爾  
今朝千萬壽

山鳥

婆餅焦兒不食爾父向何之爾母山頭化為石山頭化  
石可奈何遂作微禽啼不息

竹雞

泥滑滑苦竹岡雨蕭蕭馬上郎馬蹄凌競雨又急此鳥  
為君應斷腸

陸游

禽言

架犁

架犁架犁南邨北邨雨淒淒夜起飯牛雞未啼日暮矻  
矻行千畦没足勿恨一尺泥西成收薄汝噬臍

拔筍

拔筍拔筍入箐不辭風雨窘養成會見高拂雲取供口  
腹初不忍獨持兩把慰倚門慈顏一笑如春溫

打麥作飯

老翁老尚健打麥持作飯終歲隴畝間勞苦孰敢怨人

生為農最可願得飽正如持左券碓舂樵爨小甑香豈  
不勝汝耗太倉

堂前捉績子

堂前捉績子力作忘朝餐鷺黃雪白相照耀插茅作簇  
高如山蠶女採桑至煮繭何暇膏沐梳髻髮縹成蜀錦  
與楚縠舞姝纏頭不論束

朱熹

五禽言和仲衡尚書

提壺蘆

提壺蘆沽美酒春風浩蕩催花柳不用沙頭雙玉瓶鳥  
歌蝶舞為君壽祇今沉醉是君恩昨日之愁愁殺人

不如歸去

不如歸去孤城越絕三春暮故山只在白雲間望極雲  
深不知處不如歸去不如歸千仞岡頭一振衣

泥滑滑

泥滑滑泥滑滑秦望雲荒鏡湖闊綠秧刺水水拍堤牙

旗畫舸凌風發使君行樂三江頭泥滑水深君莫憂

脫袴

脫袴脫袴桑葉陰陰牆下路回頭忽憶舍中妻去年已  
逐他人去舊袴脫了却不辭新袴知教阿誰做

麥熟

麥熟吟去年種麥有德音祇今種熟誰快活種者已卧  
宮牆陰仁公有政惠存歿肯使催租更墮突

戴曷



五禽言

提壺蘆

提壺蘆沽美酒人世光陰春雷走一日得醉一日閒綠  
鬢幾曾俱白首沽酒沽酒有酒沽生前不飲真愚夫

不如歸去

不如歸去不如歸去千山萬水家鄉路今年又負故園  
花來歲開花定歸否歸去歸去須早歸近日江湖非舊  
時

泥滑滑

泥滑滑泥滑滑客路迢迢雨不歇我僕十步九回蹶我  
馬驪駟如跛鼈泥滑泥滑君莫愁秧爛麥損尤堪憂

脫却破袴

脫却破袴脫却破袴蠶熟繰成霜雪縷小姑織絹未落  
機縣家火急催官賦輸了官賦無零落破袴破袴還更  
著

麥熟鋤磨

麥熟鋤磨麥熟鋤磨邨南邨北聲相和  
大男小女總欣欣  
欣煮餅蒸糜任渠做鋤磨鋤磨莫等閒  
去年糠入無得餐

劉學箕

七禽詠

貫錢石八豆

貫錢石八豆充腸備梁粳飽嬉游  
手兒初不事耕耨好  
衣好食街市女汗珠滴滴田婦苦  
夫耘婦餉日卓午朝

夕南山捕蟲鼠

不如歸去

不如歸去愁綠怨紅春欲暮汝勸行人歸行人勸汝住  
鳴聲不住良苦辛啼得血流無用處不如歸去吾今歸  
千聲萬聲爾何為

泥滑滑

泥滑滑泥滑滑前聲住後聲發不道去年冬沒雪今年  
春早已三月月如金日如血大麥小麥盡枯渴使君祈

禱走阡陌汝切勿啼泥滑滑

行不得哥哥

行不得喚阿兄向晚夕猶悲鳴坦坦之途萬人履跛齧  
不休跬千里汝行不上可奈何日暮途遠無蹉跎

姑惡

姑惡姑惡家道立汝為人婦供婦職婦德婦功汝不能  
抱恨歿身空怨抑不化秋柏食不化山頭石化作春鳥  
鳴號歎何苦極

提壺蘆

提壺蘆沽美酒酒美欲沽何處有官醪道遠不可得邛  
釀濃酸難入口况當春暮暄暖初沈浸醲郁醲體膚容  
中醉倒無人扶

早耕早布

早耕早布節物如流春色暮金房土瘠無稻田布耕播  
種去聲種何處一春焦涸旱無雨麥穗藏頭猶未吐麥穗  
不吐人不憂粟田再種秋可收只愁夏料欠輸納悍吏

坐門官不休

方岳

禽言

麥熟

麥熟熟黃雲壓肩堆滿屋大兒燒燧自治穀小兒擷蔬  
歸作粥阿翁飽去摩挲腹柿葉濃陰對黃犢快活一生  
甘碌碌君不見秋崖白頭守殘牘麥雖熟飯不足

不如歸

不如歸燒痕青青春蕨肥茅廬數掩山四圍有秫可釀  
荷可衣世間何地非危機曷不常守西山饑君不見秋  
崖無才終不逢長年垂釣煙波中公非熊同不同

姚勉

禽言十詠 錄四首

泥滑滑

黃梅蒸雨已幾時路泥滑滑沒馬蹄前山咫尺似千里  
十步九跌行人疲漫膝白水秧欲老黃雲漸黑麥歌倒



泥汙后土何時乾  
天若憐農放晴好

著新脫故

縲車欲動蠶春暮  
水足秧青行白鷺  
著新脫故山禽呼  
也似催人闊耕布  
著新脫故也自竒  
闊耕闊布也自宜  
冬苗夏絹星火急  
欲著無新耕亦飢

麥熟也哥哥

晨陰涼潤疑秋肅  
格磔鉤輶叫雲木  
似催農夫急腰鑣  
邨北邨南麥皆熟  
屋頭場地初雨乾  
耒聲拍拍兒童歡

田家未敢冀一飽父老相呼先了官

提葫蘆沽美酒

晴煙如潑春光濃萬花笑日爭媽紅百金沽酒直取醉  
有酒不醉孤東風不如遂我豐年願秣米價如黃土賤  
家家有酒不用沽何用提葫蘆苦相勸

鄧光薦

禽言

行不得也哥哥

行不得也哥哥瘦妻弱子羸掙馱天長地闊多網羅南  
音漸少北語多肉飛不起可奈何行不得也哥哥

孔平仲

建除一首

建茶一杯午睡起除渴蠟煩無比比滿庭葉落啼野鶯  
平地兩足生春水定心寧息守丹竈執固養和歸赤子  
破須速補勉旃修危可求安灼然理成事何論軒冕貴  
收身早占雲泉美開門納盜誤人多閉關掃軌從今始

黃庭堅

建除重贈徐天隱

建極臨萬邦稽古陛下聖除書日日下有耳家相慶滿意見昇平父老扶杖聽平生所傳聞似仁祖德性定鼎百世長橐弓四方靜執事當在朝官冷殊未稱破帽風歌歌簡易不騎乘危顛相扶持泉石共嘲詠成樂澗阿中傲世以未敬收潦下秋船期公拜嘉命開元命觀事身得見全盛閉門長蓬蒿或許老夫病

晁補之

建除體答黃魯直教授

建策移漢都奉春緣衣布除地願見公乃以舍人故滿  
船載明月且復酌清醑平旦襜褕出牛羊下來暮定境  
要兩言出處非並趣執臂欣逢迎秋蘭在堂下破甑雨  
生衣蹇不改茲度危莫如人心難莫如行路成事安得  
悔來者其可悟收拾不須陳千言一棄屢開門見市井  
終歲紛遑遽閉門面牆僻少日豐遐豫

陳與義

陪諸公登南樓啜新茶家弟出建除體詩諸公  
既和予因次韻

建康九醞美侑以八品珍除瘴去熱惱與茶不相親滿  
月墮九天紫面光磷磷平生酪奴謗脉脉氣未申定論  
得公詩雅好知凝神執持甘露椀未覺有等倫破睡及  
四座愧我非嘉賓危樓與世隔萬事不及脣成功方坐  
嘯賞此玉花勻收杯未要忙再試晴天雲開口得一笑

茲遊念當頻閉眼歸默存助發梨棗春

范成大

次韻子永見贈建除體

建子玉杓直黃昏月如霜除道啓柴扃客來巾履忙滿  
炷寒釭油共此書檠光平生卜鄰願何意登我堂定交  
吾豈敢南榮慚伯陽執手道古作遺篇記河梁破窗風  
鳴悲孤客多慨傷危腸不救飢我詩安得昌成章類邗  
歌但可侶牛羊收功翰墨數微子誰能良開卷得雅音

玉鑾導旂常閉戶坐相念雪深梅暗香

方岳

用簡齋建除體韻

建旗凜大將負弩紛前驅除此兩不能鋤荷則有餘滿  
畦老菘韭貧猶未飢虛平生錯料事不到齊王筭定無  
相攜人歲晚誰與娛執杯手欲龜風雪侵貂褸破顏劃  
孤嘯鬱屈終不舒危坐發深省寧若巾柴車成敗未可  
知蕪我瓜芋區收身黃齧棘心迹何裕如開口不言錢



未害書生迂閉戶聊課詩政與俗士疎

孔武仲

數詩分題

天字為韻

一邑臨襄漢青衫正少年二毛侵髻髮披霧始窺天三  
接龍光遠矐矐白日邊四門方雜遝羔鴈責林泉五斗  
安微祿雖貧志浩然六韜聊自試有策佐平燕七札穿  
強弩諸君必凱旋八荒馳貢篚恩旨罷戈鋌九九期君  
用慚非命世賢十官何敢望於此卜歸田

孔平仲

八音詩呈諸公

金罍美酒斗十千石榴花開窗戶前  
絲琴萬事何足言  
竹溪下逸方醉眠匏瓜繫此雖不久  
土風甚美人皆賢  
革易睽散心惘然木在高山魚逐泉

再賦

金房去此路幾千石瀨齒齒秋風前  
絲侵兩鬢老不言  
竹實已空飢鳳眠匏笙吹作別離曲  
土壤漸異愁諸賢

革履練服何蕭然木陰緩步尋雙泉

八音詩十首 錄二首

金風盪炎暑六合氣已清石聳南山高晨起見崢嶸絲  
垂蟲就繭彼各有所營竹實不足飽鳳凰尚饑鳴匏瓜  
固賤草引蔓上高城土地之所宜結子如瓶罌革帶守  
空文歲月亦可驚木落行且秀欣欣似春雲

金杯十分酒酌子消百憂石可補青天棄與瓦礫侔絲  
可絃南風織成縑素柔竹帛未書功光景忽已逝匏繫

久不食棲棲江上州  
土鼓與蕢桴為用先  
鳴球革帶人所賤  
猶列下邳侯  
木有棟梁材終當同萬牛

晁補之

八首歌二首答黃魯直

錄一首

金蘭况同心莫樂心相知  
石田罹清霜念此百草腓  
綠  
看煮繭吐士聽憤排語  
竹馬非妙齡美人恐遲暮  
匏繫魯東家今君尚天涯  
土膏待陽瘴氣至如吐嗟  
革薄不可廓士迫下流惡木無松柏  
心蝸處螻蟻託

陳與義

八音歌二首

錄一首

金章笑鶻衣玉堂陋茅茨石火不須史白駒隙中馳絲  
鬢那可避會當來如期竹固不如肉飛觴莫辭速匏竹  
且勿喧聽我歌此曲土花翫四時未覺有榮辱革木要  
一聲好異乖人情木公不可待且復舉吾觥

方岳

夏日珠溪賦八音體

金節薜蘿月玉戛琅玕風石根一睡美幽尚誰與同絲  
勢俗士懷顛倒崔烈銅竹筇肯俱來獨予兩詩窮匏瓠  
亦纏藤永日閉梵宮土花侵道碧晚翠初空濛革華共  
徘徊愛此山叢叢木犀約重遊小待香玲瓏

再賦

金谷已塵土珠履如颺風石崇與平原癡處正爾同絲  
毫挂世網空錮南山銅竹窗理殘書久矣不諱窮匏樽  
吾故人許訪青蓮宮土甘蔬亦香小摘空濛濛革華有

鳴禽留我幽花叢木屑落飛談煙霞晚蔥瓏

孔平仲

還鄉展省道中作四聲詩寄豫章僚友

蕭灘波潺湲巴丘山崔嵬江天如相迎風吹浮雲開思  
鄉人皆然惟予頻歸來松楸彌青鮮春容生泉臺久雨  
水陡長決漭似海廣葦底解小艇曉起蕩兩槳早飯野  
篠下鳥語靜愈響有酒我不飲引領但子想四際又暮  
夜意詣尚未到繫纜坐樹蔭喞喞厭聚噪徑步氣向暝

岸嘯韻自報內顧自慰幸比歲履拜掃執熱逼入伏一  
葉益局促日落月欲出豁若脫桎梏木色鬱碧幄竹節  
削綠玉赤脚踏白石宿泊得沐浴

鄭剛中

平字梅花

江梅非凡根先春花南枝玲瓏皆瑤英雕鐫誰為之天  
高孤芳寒風來幽香隨朝暎晞霜華蘭膏塗真妃移之  
當疎簾吟腸清相宜吾將讒花神妖紅徒紛披何如令



江梅芬芳無休時終愁芝蘭嗔侵渠名聲衰

蘇軾

戲和正甫一字韻

通首字  
皆一母

故居劔閣隔錦官柑果薑蕨交荆管竒孤甘挂汲古綆  
僥覲敢揭鈎金竿已歸耕稼供藁秸公貴幹蠱高巾冠  
改更句格各蹇吃姑固狡獪加間關

劉敞

疊韻

圖書如蘧廬吏事類志意招邀聊逍遙醉寐自棄置

陸游

山居疊韻

禽吟陰森林鹿伏樸檉木嗚呼吾徒愚僕僕逐肉粟聯  
翩憐鳶肩覆餗速戮辱艱難還山間獨欲足畜牧躋梯  
棲西溪築屋宿北谷光芒常當藏積玉觸俗目

孔平仲

藏頭體寄賈宣州

高會當年喜得曹日陪宴衍自忘勞力回天意君應憊  
心挾乾坤我尚豪豕亥論書非素學子孫干祿有東臯  
十年求友相知寡分付長松蔭短蒿

藏頭體呈章子平

王駱聲華星斗傍方州投老棄甘棠木逃剪伐枝長碧  
石耐鐫磨性有常中褚藏經勤問學子孫傳業富文章  
十年流落歸何暮日聽除書侍玉皇

孔平仲

藥名離合四時四首

草滿南園綠青青復間紅  
花開不掃地錦繡徑相通  
漿寒飲一石蜜液和巖桂  
心渴望天南星河絮垂地  
參旗挂綵木通夕涼如水  
銀漢耿半天河橋暝煙紫  
雪片擁顏垣衣裘冷如甲  
香醪不滿榼藤枕歌殘臘

劉敞

雨後迴文

綠水池光冷青苔砌色寒  
竹深啼鳥亂庭暗落花殘

王安石

泊鴈迴文

泊鴈鳴深渚收霞落晚川  
折隨風斂陣樓映月低  
弦漠漠汀帆轉幽幽岸火  
然壑危通細路溝曲繞  
平田

蘇軾

次韻迴文三首

春機滿織迴文錦粉淚  
揮殘露井桐人遠寄情  
書字小柳絲低日晚庭  
空

紅牋短寫空深恨錦句新翻欲斷腸風葉落殘驚夢蝶  
戍邊回鴈寄情郎

羞雲斂慘傷春暮細縷詩成織意深頭伴枕屏山掩恨  
日昏塵暗玉窗琴

題織錦圖上迴文三首

春晚落花餘百草夜涼低月半枯桐人隨遠鴈邊城暮  
雨映疎簾繡閣空

紅手素絲千字錦故人新曲九迴腸風吹絮雪愁縈骨

淚灑繡書恨見郎

羞看一首迴文錦錦似文君別恨深頭白自吟悲賦客  
斷腸愁是斷絃琴

記夢迴文二首并序

十二月二十五日大雪始晴夢人以雪水烹小團  
茶使美人歌以飲余夢中為作迴文詩覺而記其  
一句云亂點餘花吐碧衫意用飛燕故事也乃續  
之為二絕句云

酖顏玉盃捧纖纖  
亂點餘花吐碧衫  
歌咽水雲凝靜院  
夢驚松雪落空巖

空花落盡酒傾缸  
日上山融雪漲江  
紅焙淺甌新火活  
龍團小碾鬪晴窗

朱長文

奉和司封使君春日迴文之作

佳景更同民共樂  
俊髦皆集盛飛觴  
花隨客醉還成句  
柳贈人行欲斷腸  
斜月上時霞散綺  
暖風來處寢凝香



華年惜過須心賞，富貴叢身逼鬢霜。

周知微

遊盱眙龜山作迴文

潮迴暗浪雪山傾，遠浦漁舟釣月明。  
橋對寺門松徑小，檻當泉眼石波清。  
迢迢綠樹江天曉，靄靄紅霞海日晴。  
遙望四山雲接水，碧峰千點數帆輕。

李彌遜

秋月迴文

霜盤玉隱倒團金  
迴水秋天碧野侵  
光掩半扉寒夜永  
影分疎竹翠煙深  
長空遠岫歸雲捲  
古木高風浥露沉  
涼袂客愁應夢楚  
荒城小角夜悲吟

王阮

避暑煙水亭與王景文迴文聯句一首

顏舒且對尊中酒

景文

畫永方濃翠幄陰

南

環珮響溪寒

浪急

景文

畫圖藏谷繡煙深

南

斑生石潤苔紋亂

景文

碧度雲

飛鳥影沉

南

閒館邃風來迴野

景文

隔樓斜日轉疎林

南

卿

宋伯仁

小舟晚賞荷花迴文

天浮月影水浮天  
路遶山頭樹遶煙  
船小小行人意適  
藕花新索酒杯傳

早秋迴文

秋天一餉晚風涼  
笑語人傳早稻香  
樓上醉時簾半卷  
愁添客鬢兩蒼蒼

李濤

春晝迴文一首

茶餅嚼時香透齒  
水沉燒處碧凝煙  
紗窗閉著猶慵起  
極困新晴乍雨天

方岳

溪店迴文

啼鶯幾處垂垂柳  
乳燕雙飛片片花  
溪淺度雲山帶雨  
岸崩欹樹草連沙

陳希聲

春日田園雜興迴文

香紅眩眼纈蕤英竹杖扶吟縱步行桑眼暮含青蕾小  
麥鬚蝦磔翠芒輕黃花菜圃午風軟綠水秧畦春野平  
芳樹幾聲鳩雨過蒼蒼柳色弄煙晴

犁鋤徧野沸耕農血吻鶻聲一樹紅畦矗秧針青剡剡  
隴翻麥浪翠芄芄雞鳴晝寂花邨雨蛤吠朝寒草岸風  
溪外雲過橫笛亂微煙野色樹籠葱

御選宋詩卷七十七

欽定四庫全書薈要卷一萬八千三百八十五

集部

御選宋詩卷七十八

雜體二

文同

累字詩一字至十字詠竹

竹竹森寒結綠湘江濱渭水曲帷幔翠錦戈矛蒼玉心  
虛異衆草節勁踰凡木化龍枝入仙陂呼鳳律鳴神谷  
月娥巾帔靜冉冉風神笙竽清簌簌林間飲酒碎影搖

罇石上圍碁輕陰覆局屈大夫逐去徒悅椒蘭陶先生  
歸來但尋松菊若論檀藥之樂無敵於君欲圖瀟灑之  
姿莫賢於僕

累字詩一字至十字詠石

石石陰黑陽白岸胚胎山骨骼天地鎔鑄鬼神刻畫鯤  
鯢張怒眼虎兕交鬪額鼓如溫玉聲清洗似精銅色碧  
花邊斲爾盡竒品林下礪然無俗格冰霜慘冽堅操不  
移塵土昏冥孤標自隔堯斲獨立見到侍中家磊落羣



居在牛丞相宅昔時大士常命汝曰聽徒今日衰翁且  
對君為佳客

孔平仲

累字詩一字至七字送夢錫夢錫託疾引歸

行行夙駕宵征秋漸老雨初晴黃葉歸思青山去程隨  
身一鴈遠入眼故鄉明流水光陰可惜浮雲軒蓋須輕  
把酒日飛鸚鵡盞尋花更到鳳皇城

累字詩七字至一字

仕宦千憂出海濤功名一笑付秋毫榮望去如脫屣歸  
心斷若操刀東堂展圖畫北牖綴風騷暗煎越茗寒泛  
宮醪超世網釋天弢就逸辭勞高

宋伯仁

累字戲作解愁吟簡舊同寮

愁知不空白頭心事驚秋歸興滿滄洲貂蟬雖出兜鍪  
功名有愧黑貂裘夷齊與盜跖總荒丘無非蘧蘧栩栩  
夢莊周空教笑倒江上煙雨汀鷗一琴一劍一童一鶴

一茶甌自不須苦苦高卧元龍百尺樓著眼看翻雲覆  
雨處豪傑總成羞牙旗金甲蹇驢破帽窮通一任前修  
五湖千萬頃明月則儘可棹歌橫釣舟

龔開

累字一字至七字觀周曾秋塘圖有作

秋秋瀟灑清幽人靜處水邊頭波紋細細風色颼颼鷗  
鷺情相狎鳧鷖樂自由疎葦敗荷池沼白蘋紅蓼汀洲  
幾竿漁釣去已盡一段晚雲寒不收

蘇軾

歸去來集字十首并序

予喜淵明歸去來詞因集字為十詩

命駕欲何向  
欣欣春木榮  
世人無往復  
鄉老有將迎  
雲內流泉遠  
風前飛鳥輕  
相攜就衡宇  
酌酒話交情

涉世恨行役  
告休成老夫  
良欣就歸路  
不復向迷途  
去徑猶菊行  
行田欲蕪情  
親有還往清  
酒引尊壺

與世不相入  
藪琴聊盡歡  
風光歸笑傲  
雲物寄游觀  
言

語審無倦心懷良獨安東臯清有趣植杖日盤桓  
雲岫不知遠巾車行復前僕夫尋老木童子引清泉矯  
首獨傲世委心懷樂天農人告春事扶老向良田

世事非吾事駕言鄉路尋向時迷有命今日悟無心庭  
內菊歸酒窗前風入琴寓形知己老猶未倦登臨  
富貴良非願鄉關歸去休攜琴已尋壑載酒復經丘翳  
翳景將入涓涓泉欲流老農人不樂我獨與之遊

觴酒命僮僕言歸無復留輕車尋絕壑孤棹入清流乘

化亦安命息交還絕游琴書樂三徑老矣亦何求  
歸去復歸去帝鄉安可期鳥還知已倦雲去欲何之入  
室常攜幼臨流亦賦詩春風吹獨立不是傲親知  
役役倦人事來歸車載奔征夫問前路穉子候衡門入  
室亦詩策出遊常酒尊交親書已絕雲壑自相存  
寄傲知今是求榮感昨非聊欣尊有酒不恨室無衣丘  
壑世情遠田園生事微庭柯還獨眎時有鳥歸飛

邵雍

首尾吟

堯夫非是愛吟詩，雖老精神未耗時。  
水竹清閒先據了，鶯花富貴又兼之。  
梧桐月向懷中照，楊柳風來面上吹。  
被有許多閒捧擁，堯夫非是愛吟詩。

堯夫非是愛吟詩，詩是天津竚立時。  
有意水聲千古在，無情山色四邊圍。  
孤鴻遠入晴煙去，雙鷺斜穿禁柳飛。  
景物不妨閒自適，堯夫非是愛吟詩。

陳舜道

春日田園雜興首尾吟

春來非是愛吟詩詩是田園引興時聞布穀聲驚綠野  
聽提壺語憶青旗曾因鬪草爭春起每為看花樂意隨  
景物撩人禁不得春來非是愛吟詩

春來非是愛吟詩詩是田園乘興時得暇分畦秧韭菜  
起晴樊圃樹棠梨山煙青笠等閒去沙地烏犍和醉騎  
一片野情羈不住春來非是愛吟詩

春來非是愛吟詩詩是田園遣興時行傍山翁驅犢父



坐看鄰媪試鶯兒插秧時測水深淺行菜間占春早遲  
白日漸長消不去春來非是愛吟詩

春來非是愛吟詩詩是田園感興時草地耕牛纔有犢  
花邨吠犬那生鰲麥青未必三時粥桑綠其如二月絲  
觸物興懷言不盡春來非是愛吟詩

李師中

送唐子方之貶所轆轤體

孤忠自許衆不與獨立敢言人所難去國一身輕似葉

高名千古重如山並遊英俊顏何厚未死奸諛骨已寒  
天為吾皇扶社稷肯教夫子不生還

陸游

東山避暑用轆轤體

避暑穿林隨所之一奴每負胡牀隨望秋槁葉有先隕  
未暮赫日無餘暉輪囷離竒澗松古鈎輈格磔蠻禽悲  
北巖竹間最慘慄清嘯倚石真忘歸

楊萬里

過若山坊進退格

綠漲空中屋黃鋪地上雲風條鉤過轎雨毳没行人夾  
路桑千樹平田稻十分泥行殊不惡物色逐却新

雪後寄謝濟翁聯騎來訪進退格

封胡連壁雨中來自送歸鞍悵獨回隱几讀書寒入骨  
開門落雪皓平階急尋火種溫雙手自喚兒郎共一杯  
念汝野梅官柳路地爐松葉買茅柴

周紫芝

五雜組三首

五雜組隴頭水往復來玉關騎不得已從仕子  
五雜組雲際翮往復來長安陌不得已千里客  
五雜組夜茫茫往復來鴈南翔不得已思故鄉

范成大

五雜組四首

五雜組同心結往復來當窗月不得已話離別  
五雜組流蘇縷往復來臨行語不得已上馬去

五雜組回文機往復來錦梭飛不得已獨畫着  
五雜組綵絲鍼往復來鳥投林不得已夢孤衾

張舜民

兩頭織織二首

兩頭織織織女梭半白半黑右軍驚膈膈膊膊石子坡  
磊磊落落落大風歌

兩頭織織繭綰絲半白半黑蠅蠹之膈膈膊膊母赴兒  
磊磊落落落忠臣詞

范成大

兩頭纖纖二首

兩頭纖纖探宮繭半白半黑鶴氅緣膈膈膊膊上帖箭  
磊磊落落落封侯面

兩頭纖纖小秤衡半白半黑月未明膈膈膊膊扣戶聲  
磊磊落落落金盤冰

賀鑄

和杜仲觀青字詩二首

青袍少年子獨出青門遊逢人少青眼凝笑望青樓窗  
中青娥女正為青春愁心事屬青鳥青驄能少留  
白馬青絡頭青萍寶帶鉤青溪流水急獨上青翰舟佳  
人青雀釵手把青荷遊暮君青雲罷青髮結綢繆

孔平仲

本是一首寄芸叟

本是同根生  
相煎何太急

本末已倒植是非當告誰同為天涯客根冷聊相依生  
平尚氣節相約老不衰煎烹雖炎炎何損百鍊姿太過

空自返急鞭猶恐遲

相看一首寄芸叟

相看過半百  
不寄一行書

相與同少壯看看俱老人  
過日如脫兔半生如浮雲  
百事多齟齬不如收此身  
寄心青霞杪一笑輕千鈞  
行行秋鴈去書此贈情親

吳儆

己卯之冬月餘端坐無以度日  
因聚諸童幼極其歡笑時與相說謎  
因戲為數語示之



簾

滿身珠翠間花鈿舞到梁州最可憐  
一捻宮腰如束素  
清風明月畫堂前

雞

楚楚衣裳兩頰紅冠兒斜墜脚兒弓  
夜來塞上無消息  
玉筋偷彈對曉風

梭

奔波來往一生忙方寸包藏不可量  
用盡心機還骨立

為他人作嫁衣裳

王禹偁

鄭州與張秉監察聯句

函關秋霽鴈初迴六里商於曉色開秉四皓有靈應笑  
我謫官方始入山來禹偁

魏野

解城條山并序

解城之南出五里抵中條山山有絕壁介立儼若

峽東緣岸泝流似有人跡瑯琊王衢趙郡李識處  
士魏野江東僧用晦披榛索徑深入數百步止於  
泉石之溪道路未遠塵事且隔雲鳥風物鳴動左  
右而山語野笑樂坐盡日因相與濯足命為聯句  
詩一章凡二十句用晦書於巖壁時淳化五年秋  
八月三十日

萬仞雲根泉清泠濯我足

用晦

森森灑爪甲凜凜寒肌肉

衢來初自試探坐久頻舒縮

野

觸開浪花白踏破苔衣

綠衢衢肺腑亦清冷形影相照燭晦用忽罷避遊魚未歸妨

渴鹿野懼濁遠泥沙就陰憐草木衢浸潤易調暢狎玩

難拘束識欲伐我未能先起人何速野此會高且閒願

繼漁父躅晦用

歐陽脩

冬夜小齋同陸經聯句寄梅聖俞

寒窗明夜月歐散帙耿燈火破硯裂冰澌陸敗席薦霜

筇廢書浩長吟歐想子實勞我清篇追曹劉陸苦語侔

島可酣飲每頽山歐談笑工炙輠駕言當有期陸歲晚

何未果幽夢亂如雲歐別愁牢若鎖雪水漸漣漪陸春

枝將婀娜客心莫遲留歐苑葩即紛墮何當迎笑前陸

相逢嘲飯顆歐

劒聯句同范仲淹滕宗諒

聖人作神兵以定天下厄范蚩尤發靈機干將構雄績

歐橐籥天地間鑪冶陰陽闕滕南帝輸火精西皇降金

液范炎炎崑岡熒洶洶洪河擘歐雷霆助意氣日月淪

精魄滕神氣不在大錯落就三尺范直淬靈溪泉橫磨太

行石歐雄雌威並立晝夜光相射滕提攜風雲生指顧

煙霞寂范堅剛正人心耿介志士跡歐初疑成夏鼎魑

魅世所適滕又若引吳刀犀象謂無隔范截波虬尾滑

脫浪鯨牙直歐頑氷挂陰雷皎月乘孤隙滕河角起彗氣

雲罅露秋碧范曉鐔星斗爛夜匣飛龍宅歐舞酣霞雪回

彈俊球琳擊滕鮮搖雪水光膩刮湘山色范蒼蛟渴雨瘦

青虬蟠霜脊歐清音鏘以鳴寒姿堅且澤滕鬼類喪影

響佞黨摧肝腸范一旦會神武四海屠兇逆歐周王奉

天討商郊千里赤勝楚子揚軍聲秦師萬首白范祥輝冠

吳楚殺氣橫燕易歐與君斬鼉足八極停震虢勝與君

荆鵬翼三辰增煥赫范莫使化猿翁辱我為幻惑歐莫使

暴虎人屈我執仇敵勝尊嚴俟冠冕左右舞干戚歐功

成不用留延平空霹靂范

鶴聯句同范仲淹滕宗諒

上霄降靈氣鍾此千年禽范幽閒靖節性孤高伯夷心

歐 頡頏紫霄垠飄颻滄浪潯滕岳湛有仙姿鈞韶無俗

音范毛滋月華淡頂粹煙光深歐目流泉客淚翅垂羽

人襟滕騰漢雪千丈點溪霜半尋范纖啄礪青鐵修脰

雕碧琳歐巖棲於溪樹澤飲卑朱泠滕鸞凰自墮荒燕

雀徒高參范獨翅聳瓊枝羣舞傾瑤林歐病餘霞雲段

夢回松吹吟滕靜嫌鸚鵡言高笑鴛鴦淫范金清冷澄

澈玉格寒蕭森歐潔白不我恃腥羶非所任滕稻梁不

得已蟻蝨胡為侵范天池憶鵬遊雲羅傷鳳沈滕風流



超縞素雅淡絕規箴歐相親長道情偶見銷煩襟范西

漢惜馮唐華皓欲投簪歐南朝仰衛玠清羸疑不禁滕

端如方直臣處羣良足欽范介如廉退士驚秋猶在陰

范樂誚鷹隼鷲羈鞬俄見臨歐還嗤鳧鷖貪弋繳終就

擒歐乘軒乃一芥空籠仍萬金滕片雲伴遙影冥冥越

煙岑范長飈送逸響亭亭出霜砧歐蓬瀛忽往來桑田

成古今歐願下八佾庭鼓舞薰風琴滕

來鶯堂與趙叔平王禹玉王原叔韓子華聯句

賢侯謝郡歸從游樂吾黨林泉富餘地卜築疏陳莽是

時春正中來鷺音下上若賀大厦成喜留衆賓賞槩得

名因談笑揮墨擘題榜所夸賢豪盛豈止池榭廣人心

樂且閒鳥意頡而頰吟罇敞花軒醉枕酣風幌修輕雲

薄藻棟初日麗珠網紅袂生暗香清絃泛餘響林深隱

飛盖岸曲遲去槳波光欄檻明竹飛衣巾爽珪虛容涼

樾入影與文漣蕩晨飈轉綠蕙夕雨滋膏壤嘉辰喜盍

朋命駕期屢往觴詠陶淑真世俗豈我傲洙得以為勝

遊蕭然散煩想公子固好士世德復可象今此大基構  
不圖轉奉養美哉風流存來葉足師仰絳

蘇舜欽

丙子仲冬紫閣寺聯句

白石太古水

才翁

蒼崖六月冰昏明咫尺變

子美

身世逗留

增橋與飛霞亂

才翁

人魚獨鳥升風泉冷相搏

子美

樓閣暮

逾澄反覆青冥上

才翁

躋攀赤日稜唄音充別壑

子美

塔影

吊寒藤仙掌挂太一

才翁

佛壇依古層巖喧聞鬪虎

子美

臺

靜下飢鷹晴檻通年雨

才翁濃羅四面罽日光平午見

美子

霧氣半天蒸潭碧寒疑裂

才翁

鐘清遠自凝陽陂冬聚筍

美子陰僻夏垂繒有客饒佳思

才翁

高吟出遠凭雄心翻表

裏美子

遠目著軒騰岑寂來清夜

才翁

沈冥接定僧宿猿深

更杳

美子

落水靜相仍松竹高無奈

才翁

煙嵐翠不勝甘酸

收脫實

美子

坳隩布清塋北野才沈著南天更勃興恣睢

超一氣

才翁

黯黯起孤鵬並澗寒堪摘看雲重欲崩行中

向背失

美子

呼處下高應庭樹巢金爵樵兒弄玉繩斷香

浮缺月才古像守昏燈乳管明相照莎顙綠自矜深疑

嘯神物美子鼓欲敲敵敵陵俯仰孤心撓回翔百感登畫圖

風動壁詩句涕霑膺先公有留題在澄心閣歲月看流矢才心腸

劇斷絙追攀初有象悲憤遂相乘故賞知無遁遺靈若

此憑依然忍回首美子愁絕下峻嶒才

薦福塏聯句

踴覽皇都壯才盤基紫宙雄山河供遠目玉簷戶發高

風梯險三休上美子輪開一氣中門當谷子午才影落陌

西東韻鐸翻天籟

王

危觚駐夕紅側聆悲下俗子仰面

識長空絕若神擠至

才

深疑壑暗通人寰如蟻垤

玉

身

世甚秋蓬歎息興亡地子沈吟製作工清思抱明月狂

欲把飛鴻去矣登臨興才巍乎造化功涼襟當爽塏幽

意入鴻濛頭角峰如揖玉丹青樹不同城郭迴迤麗閣

殿失穹窿可使孤懷放子胡為萬恨終何當得壯士提

取出塵籠

才

梅堯臣

風琴聯句同謝希深

竅竹漏天風張絃擬嶧桐佳名從此得妙想未曾窮  
夜靜危臺上人閒皎月中依依聽不足秋露滿蘭叢

希深

黃庶

斑石枕聯句同向宗道

斲得西山骨磨龍露斑駁凝結一何怪

宗道

形模萬難學

直疑彩雲根

庶

又訝紫珉礪中瘦皴蛟腹

宗道

外文灼龜

殼冷剖清泉

庶

穗楮老鼇脚堅方君子性

宗道

清純聖

人璞有氣當補天庶無瑕應並鼓定漬盤古苔宗道想漏

神農藥堪作夢寐寶庶尤是炎蒸託眠月病頭愈宗道橫

風醒肺濯珊瑚侈可唾庶陶甄脆堪撲夜深魔鬼驚宗道

晝冷詩魔愕首愜無俗夢庶心清去煩惡斲簞方敢友

宗道蜀節良可攫何必檄愈風庶何必文驅瘡質任兒女

嗤宗道頑宜童僕謔枕流固迂誕庶籍糟徒落魄潤生審

將雨宗道輝發疑有珥髑髀莊生狂庶虎魄宋武薄欲鑿

中郎銘文章體猶弱欲秘淮南書神仙志非樂宗道我疑



混沌鑛誰與龍窟鑿可作甘寢與華胥詣冥冥庶子道  
足施為我拙困嬰縛已謀具巾屨行當老嵩霍子其乞  
我歸終為卧雲壑宗道嗜好我已癖須求子惟慙擅舊王  
固惜瓢陋顏不博異時一經子便當千金橐客退獨摩  
拂卧送山月落庶

范純仁

遊嵩山與王弱翁聯句

靈境中天秀辟疆雄名古到今位尊朝列嶽純仁勢重壓千

岑靜鎖神仙宅

辟疆

高盤宇宙心孤棱標日月

純仁

絕仞倚

戈鐔彩棟靈祠邃

辟疆

層簷淨刹深民祈傳覲語

純仁

國祀

致君忱碑古苔生字

辟疆

堂虛畫蠹金山呼曾薦壽

純仁

神

降即為霖事怪塗山石

辟疆少室山下有啓母石

形端玉女砧峰巒

排翠玉灘瀨漱鳴琴蕙帳人誰繼

辟疆

金泥迹可尋唐經

藏寶妙

純仁

魏殿想鸞音

會善寺魏文帝離宮

雲作他方雨

辟疆

松連

別院陰谷泉長浸斗

純仁

七星泉山有

頂路欲捫參探穴夢潛

動疆捫蘿力不禁箕熊分蟻垤

純仁

伊洛認蹄涔鳥道樵

夫去辟疆龍潭驛使臨衆仙停羽駕純仁頂有昔帝儼宸

襟山有元宗御容選勝先看記辟疆乘危可作箴天門開四極純仁

山有東西二天門樹品冠雙林少陵有則天一品松五品松靈藥看苗屬辟疆

香醪挈榼斟道宮庭不埽純仁學館突無黔山有書院壠麥風

搖浪辟疆溪淙石聳簪雜花春爛漫純仁虛壑響幽禽溪月

寒澄霽辟疆巖煙暮杳沈寺橋橫帶竦純仁禪磬擊瓊琳拂

僻題新字辟疆逢僧舉舊吟疲驂何處解純仁高閣在崎嶇

僻疆

蘇軾

夜坐與邁聯句

清風來無邊明月翳復吐

坡

松聲滿虛空竹影侵半戶

邁暗枝有驚鵲壞壁鳴饑鼠

坡

露葉耿高梧風螢落空

廡微涼感團扇古意歌白紵樂哉今夕遊獲此陪杖屨  
邁傳家詩律細已自過宗武短詩膝上成聊以感懷組  
坡

楊傑

崔仲岳隱居松江以丹白黑飾舟曰鶴舟括蒼  
周子韶無為楊次公治平三年夏六月會仲岳  
于繁昌蓬萊亭勉其罷鶴舟以應書席上聯句  
送之

且就飛龍榜休登白鶴舟

韶隴書方勸駕閨苑莫回頭

次公丹頂歸滄海霜翎擲素秋

韶子海鵬期變化仙驥任沈

次公浮煙月閒三島功名重五侯須知馳鳳詔便是釣鼇

鈎子已得冲天便無思擊槳遊

次公楚醪鏗逸韻湘瑟助

冥搜子韶南浦成春別北山空夜愁九臯聞象魏一葉寄

汀洲次公世氣騎風虎機心走海鷗子韶昔年嗟鷓退今日

並麟遊次公八月仙槎駛千靈聖運優市朝真大隱箕頴

謾清流子韶鼓枻嗤漁父乘桴笑仲由片帆從此卷舊氅

亦應留次公冠佩重華國鶯花四皓樓雄文高鴈塔大醉

憶蓬丘子韶勲若書青史幢須建碧油蘭橈好重舉乘取

上揚州次公

晁補之

直廬聯句

上閣井泉甘若醴蓬山點茶竹陰底

張

庚伏恩容午課

休宮殿初涼朝雨洗

晁補之

身閒出飲官不嗔日長睡足

長精神

張

未慚便作蠹魚老拔毛濟世知何人

晁補之

王十朋

夜聽雙瀑同劉方叔毛虞卿聯句

夜聽雙瀑喧遙聞疑雨來澗壑生清風襟宇捐纖埃

龜

飛鳴撼半空暗想飄瓊瑰前觀阻步屨側耳成徘徊

虞卿

蕭然山館閒此興何悠哉子晉不復見月白空蕭臺

方叔

對月同方叔聯句

與君坐階除遙望海上月

方叔

試舉大白杯借問幾圓缺

龜齡人生易分散動作隔年別

方叔

今宵對嬋娟莫放酣歌

絕  
龜齡

丁開

漂泊岳陽遇張中行因泛舟洞庭晚宿君山聯

句





定心源清行中夢回斗柄直周遊興欲盡開長往計未決

出門更回首行中沙水盪虛白美哉神禹功開已矣三苗

跡山川長不朽行中愚智俱可惜神交正冥冥開指點宜

歷歷慎勿與俗人行中桃源恐相失開

楊氏女

締盟詩聯句

珠簾半牀月青竹滿林風楊何事今宵景無人解與同

謝

王安石

烝然來思集句并序

烝然來思送程公也公來以薨麋饋我我飲餞之  
率西水滸故作是詩

念我獨号亦莫我顧烝然來思程伯休父我有旨酒爾  
殽伊脯酌言酌之式歌且舞不留不處適彼樂土言秣  
其馬率西水滸有客宿宿于時語語山有喬松江有渚  
式遄其歸不我與作此好歌倡予和女

金山寺集句

招提憑高岡四面斷行旅勝地猶在險浮梁裏相柱大  
江當我前颭灩翠綃舞通流與廚會甘美勝牛乳扣欄  
出竈翬幽姿可時覩夜深殿突兀太微凝帝宇壁立兩  
崖對迢迢隔雲雨天多賸得月月落聞津鼓夜風一何  
喧大舶夾雙艣顛沈在須臾我自檝迎汝始知象教力  
但度無所苦憶昨狼狽初只見石與土榮華一朝盡土  
梗空俯僂人事隨轉燭蒼茫竟誰主咄嗟檀施開繡楹

盤萬礎高閣切星辰  
新秋照牛女湯休起我病  
轉上青天去攝身凌蒼霞  
同凭朱欄語我歌爾其聆  
幽憤得一吐誰言張處士  
雄筆映千古

春山集句

春山春水流曲折方屢渡  
荒乘不知疲行到水窮處  
依然舊童子要予竹西去  
歸時始覺遠草蔓已多露

送吳顯道集句

臨川樓上柅園中羅幃繡  
幕圍香風觥船一棹百分空

看朱成碧顏始紅杏花楊柳年年好南去北來人自老  
舊事無人可共論惟君與我同懷抱

甘露歌集句

折得一枝香在手人間應未有疑是經春雪未消今日  
是何朝盡日含毫難比興都無色可並萬里晴天何處  
來真是屑瓊瑰天寒日暮山谷裏的樂愁成水地上漸  
多枝上稀唯有故人知

離昇州作集句

相看  
不忍發  
慘淡暮潮平  
語罷更攜手  
月明洲渚生

懷元度集句

秋水纔深四五尺  
扁舟斗轉疾於飛  
可憐月色阻攜手  
正是歸時君不歸

即事集句三首

漸老逢春能幾回  
蓬門今始為君開  
莫嫌野外無供給  
更向花前把一杯

一樹籠鬆玉刻成  
遊蜂多思正經營  
攀枝弄雪時回顧

還遶櫻桃樹下行

幽棲地僻經過少  
鐘梵聲中掩竹門  
惟有多情枝上雪  
暗香浮動月黃昏

孔武仲

集句寄孫元忠

不恨我衰子貴時  
經濟實藉英雄姿  
君有長才不貧賤  
莫令斬斷青雲梯  
驂騑作駒已汗血  
坐看千里當霜蹄  
省郎京尹必俯拾  
軍符侯印取豈遲



孔平仲

集杜詩句寄孔元忠

君不見瀟湘之山衡山高八月秋高風怒號草木黃落  
龍正蟄哀鴻獨叫求其曹男兒生無所成頭皓白漂零  
已是滄浪客呼兒覓紙一題詩此心炯炯君應識

王阮

滄洲閣集句

滄洲有竒趣吾道付滄洲樹影中流見船燈照島幽轉

思江海上却著土山頭野水無人渡乘桴學聖丘

戴曷

春日偕兄弟侍屏翁游晉原分得外字因集句而成

既雨晴亦佳適與賞心會初日照高林幽泥化輕塏步  
屨隨春風始覺天宇大牽懷到空山逍遙白雪外青松  
夾路生童童狀車蓋清川帶長薄陰壑生虛籟性達形  
跡忘傲然脫官帶薄暮方來歸月老搖千籟

宋伯仁

別友人集唐人句

菊花邛晚鴈來天同住  
蘭舟未十年今日送君須盡醉  
離人獨上洞庭船

水邊聞鴈偶集四靈句

蘆花新有鴈四面水連天  
清淨非人世吾詩詠不全

遠訪友人不遇留集句小絕

寒食花枝插滿頭  
長亭搔首晚悠悠  
灞陵老子無人識

別是天涯一段愁

客樓戲集唐人句

門掩楊花一夜風  
自憐羈客尚飄蓬  
不堪吟罷重回首  
鳥傍簷花戲晚紅

李龔

謫仙吟集唐

空白凝雲頰不流  
牧龍丈人病歌秋  
尋詩北嶺截珠樹  
老父饑寒龍為愁  
呼龍耕煙種瑤草  
若為失意居蓬島

泓泓水繞青苔洲  
鯉魚風起芙蓉老

長安春集唐

春欲來日日望春門  
早開花臺欲暮春辭去  
禁城煙暖蒸青苔  
齷齪浮生如走電  
客舍似愁誰遣來  
夜夜抱水寒不睡  
流光暫出還入地  
門外平橋連柳堤  
落花聲裏仙娥醉

塞上北風行集唐

北風叫枯桑  
玉沙粼粼光  
天寒山路石  
斷裂  
駐馬相看

遼水傍軍容帶甲三十萬都護寶刀凍欲斷旄頭夜落  
捷書飛少年金紫就光輝

吳娃歌集唐

洞庭明月一千里芙蓉水殿春風起殘絲欲斷黃蜂歸  
鴛鴦翡翠承燕私露脚斜飛濕寒兔越王金雞報天曙  
官街柳帶不堪折謝豹空啼采香月

致酒行集唐

零落棲遲一杯酒綠凸蠻觥奉君壽湖光江月前後鄰

寒風又變為春柳，離鸞別鳳煙。  
梧中曦輪送客溝，水東霜白松溪轉。  
斜蓋世間何處無，春風

採蓮歸集唐

採蓮女採蓮歸，落日晴江裏。  
蓮舟漸覺稀，蓮莖有刺不成折。  
爭弄蓮花水，濕衣白練束。  
腰袖半捲不語低，髮幽思遠碧雲搔。  
頭落水中粉痕零，落愁紅淺

秋閨思集唐

征人遙遙出古城，天河夜轉漂迴星。  
銀縷香寒鳳凰薄

樹色深含臺榭情  
雨滋苔蘚侵堦綠  
為有秋期眠不足  
城邊殘月勢如弓  
月上丁東擣寒玉

折楊柳集唐

萬里邊城地垂楊  
二月春年華枝上見  
日暮客愁新露  
葉疑啼臉風花思舞  
中玳梁誰道好持此  
寄情人

秋夜曲集唐

秋夜長殊未央  
秋燈向壁掩洞房  
天漢東西月色光  
啼  
蛄  
吊  
月  
鉤  
欄  
下  
寒  
衣  
未  
寄  
莫  
飛  
霜



老婦吟集唐

萬轉愁城繫腸線青畝春蕪連石苑為他人作嫁衣裳  
頭白如絲面如繭

怨詩二首集唐

綠蔓花綿綿日晚梧桐落所思終不來蟲聲入羅幕  
洞房秋月明玉闕芳信斷含怨倚蘭叢日驚羅帶緩

金陵春日集唐

登臨吟望思無窮折盡青青賞盡紅白鳥影從江樹沒

數峰春色在雲中

寒食日花讌集唐

萬象鮮明禁火前  
紅英翠萼簇芳筵  
殘春未必多風雨  
少別穠華又隔年

湖上贈新得意者集唐

湖上新正逢故人  
天明騎馬入紅塵  
憑君莫話封侯事  
拷棹量金買斷春

初夏偶賦集唐

野煙喬木弄殘暉  
虛室無人乳燕飛  
正是清和好時節  
青叢花盡蝶來稀

桐江客舍酬客集唐

一片離心白羽輕  
桐廬江上晚潮生  
客來吳越星霜久  
身賤多慚問姓名

秋夜長集唐

丹鳳城南秋夜長  
殘蟬急處日爭忙  
如何消得淒涼思  
水色簾前流玉霜

題郵亭集唐

荆卿雄骨化為塵  
春草秋風老此身  
行盡江南數千里  
未曾逢著獨醒人

山居老將集唐

腰間寶劍七星紋  
不下青山老白雲  
門外碧潭春洗馬  
鎮南人憶杜將軍

送景道士還山集唐

古羅衣上碎明霞  
自說歸山人事賒  
金鼎藥成龍入海

定知仙骨變黃芽

越中清明集唐

柳色千家與萬家  
閒身行止屬年華  
殘花落日小齋閉  
幾箇春舟在若耶

寄茅山講莊道侶集唐

不用燒蘭望玉京  
人間無事不曾經  
大椿枯後新為記  
從許人間小兆聽

重寄集唐

竹杖芒屨稱野情醉鄉無貨没人爭近年已絕詩書癖  
誰問山中宰相名

遣興集唐

春色何因向酒疎畫簷愁見燕歸初不知獨坐閒多少  
釋悶還拈架上書

西陵旅思集唐

漁曲飄秋野調清半窗殘月帶潮聲不知短髮能多少  
一夜新添白數莖

寄西山僧集唐

門掩松邊雨後燈  
門前岐路自崩騰  
誰知獨夜相思處  
曾看菴西瀑布冰

竹集唐

錦箨飄零粉節深  
萬竿如束翠沈沈  
子猷沒後知音少  
忍剪凌雲一寸心

答江南友人集唐

却笑孤雲未是閒  
書來未報幾時還  
江南無限蕭家寺

名畫偏求水墨山

紅樓女集唐

三三五五結同心  
夾巷重門似海深  
坐怨玉樓春欲盡  
不知歌舞用黃金

塞下曲集唐

都護今年破武威  
磧煙烽火夜深微  
金釵漫作封侯別  
白髮生頭未得歸

胡偉



宮詞集句

雞人唱曉五門開  
宮女更番上直來  
御仗催班元會集  
遙聞索扇一時回

鑾輅青旂下帝臺  
萬方懽忭一聲雷  
香飄合殿春風轉  
日捧南山入壽杯

鼇山燈火亘天明  
樓下人呼萬歲聲  
共聽鳴鞘雲外過  
熙熙春物慶昇平

四部仙韶下玉清  
沸天簫鼓奏歡聲  
人聽鈞樂迎三殿

珠翠雲隨鳳輦行

青郊迎氣肇初陽  
繡女應知綵縷長  
睡足捲簾無一事  
綠窗珠箔繡鴛鴦

披香仙殿試春衣  
等候官家未出時  
整了翠環勻了面  
大家裝看鬪時宜

芙蓉深苑鬪鞦韆  
暗喜風光似昔年  
雙手向空如鳥翼  
寶釵長欲墜香肩

海棠花發盛春天  
一日三回到水邊  
方信承平無一事

月華池上駕龍船

參差樓閣半天中  
宮柳垂垂碧照空  
獨捲珠簾望春色  
倚闌人在水晶宮

殿前香騎逐飛毬  
一樣真珠絡轡頭  
誇道自家能走馬  
掉鞭橫過小紅樓

燕蹴飛花落舞筵  
六么催拍盞頻傳  
殿頭日午搖紈扇  
時得徘徊黼座前

芙蓉點露一枝開  
疑是仙宮旋折來  
準擬內家遊後苑

水心樓殿勝蓬萊

水心高殿接蘭塘  
雨灑朱簾滿殿涼  
笑倚瓊欄無一事  
薰風時送芰荷香

初冬處處火爐開  
齊獻南山萬壽杯  
按罷霓裳歸院去  
獨拈香筋撥紅灰

映林先發幾枝梅  
準擬君王便看來  
競走巾車迎鳳輦  
殿前排宴賞花開

美人弄鏡插梅花  
抹月批雲自一家  
三十六宮春信早

不應青女妒容華

先排法駕出蓬萊  
宮女侵晨探幾回  
隨駕上樓同看雪  
廣寒宮闕玉樓臺

銀臺金闕夕沈沈  
歌待新詞促翰林  
誰傍宮牆偷記譜  
姮娥歸處月宮深

文天祥

集杜 錄十首

自淮歸浙東

北走經險艱十步一回首碧海吹衣裳挂席上南斗

汀洲

雷霆走精銳斧鉞下青冥江城今夜客慘淡飛雲汀

駐惠境

朱鳳日威垂羅浮展衰步北風吹蒹葭送此齒髮暮

南海

南海春天外祇應學水仙自傷遲暮眼為我一潸然

至南安軍

短日行梅嶺天門鬱嵯峨江西萬里船歸期無奈何

吉州

戚戚去故里我生苦飄零回身視綠野但見西嶺青

過臨行

獨帆如飛鳥清江轉山急回首白雲多山寒夜中泣

北行

浮雲連海岱寒蕪際碣石落景惜登臨人煙渺蕭瑟

懷舊

風塵淹白日乾坤霾漲海為我問故人離別今誰在

望故鄉

老夫悲華年天涯故人少每望東南雲決背入歸鳥

趙善璫

懷梅水邨集句

我思君處君思我一掬歸心未到家相見或因中夜夢  
孤燈何事獨成花

千里萬里西復東山川常在淚痕中何當共剪西窗燭



一曲琵琶酒一鍾

少年心壯輕為客  
不寄梅花遠信來  
為喚行舟試借問  
看花出約幾時回

御選宋詩卷七十八

謹案卷七十七第二十一頁後六行成樂澗阿中  
刊本阿訛河據山谷集改

第二十八頁前六行改更句格各蹇當作蹇按東  
坡集亦同姑仍其舊

卷七十八第四頁後三行春風吹獨立刊本立訛  
斷按東坡集改

第七頁後八行流蘇縷刊本蘇訛心據石湖集改  
第十五頁前六行人兼獨鳥升刊本兼訛間據滄

浪集改

第二十六頁後五行既雨晴亦佳刊本既訛春據

杜工部集改

第二十六頁後七行清川帶長薄刊本長訛華據

王右丞集改



總校官庶吉士臣侍朝

校對官檢討臣蕭九成

謄錄舉人臣張昱